

卜筮全書

筮全書卷之十三

黃金策

六

出行

人非富貴焉能坐享榮華。苟爲利名。寧免奔馳道路。然或千里之迢迢。夫豈一朝之跋涉。途中休咎。若箇能知。就裏災祥。神靈有準。父爲行李。帶刑則破損。不中。妻作盤纏。生旺則豐盈足用。

出行以父爻爲行李。旺相多。休囚少。空亡無。旺空雖有而不多。帶刑害及被傷剋。破損舊物。父化兄。與人同驛。兄化父。與人合用。若就他人。借行李。不宜財爻持世。及動。必難假借。帶合終可得之。妻財

爲財飲本錢。但和充滿。休曰。微少。空亡無有。卦若無財。兄弟化財。必是合本。或是借債。非己之物。世如衰弱。那堪水宿風餐。

世爲出行人。生旺有祿。則吉。若休囚死絕。剋則易倒。傷則易損。所以不堪勞碌奔波。不耐風霜早晚。應若空亡。難望謀成事就。

應爻爲所往之地。在震宮城郭市鎮熱鬧之地。坤宮四野冷落所在。在艮宮山上。坎宮水鄉餘倣此。最怕空亡。主地頭寂寞。謀事難成。必不得意而回。

間爻安靜往來一路平安。

間爻爲往來經歷所在。動則途中必阻。遇靜。若得安靜不空。則一路平安。往來無阻。

太歲冠衝。行止終年撓括。

太歲出現發動衝尅世爻其人自外歸家必
加鬼殺自虎凶神尤非吉兆若至歲末官制
最宜此爻生合世身必有成就之兆

世傷應位不拘遠近總宜行應尅世爻無礙公訟
不利

世尅應是我制他所向通達更得間爻不動鬼殺
不與去無阻節尅世是我不得專志所向梗塞更
遇動爻日辰刑衝尅害必不順利

入純亂動在處皆凶

入純乃六衝之卦內外爻不相和合凡百謀望皆
主難成且又六爻亂動何吉之有不拘所向皆非
宜也遠行尤忌

兩間齊空獨行則吉。

間爻不宜空亡。主道路梗塞。行程必不快利。如金水空亡。水路不通。火土空亡。旱路不通。兩間俱空。多是半途而返。然間爻又是伴侶。若一身獨行。不挈伴侶。是爲應象反主。吉兆止慮世尅應位耳。

世動訂期變鬼則自投羅網。官臨畏縮。化福則終脫樊籠。

世爻不動。行期未定。動則期已訂矣。世應俱動。宜速行。旁爻動。宜緩行。若世動變出鬼爻。去後必遭禍患。或鬼持世。乃是逡巡畏縮之象。欲行不行。必懷疑貳。休囚則難起身。生旺多是去不成。發動恐無伴而不去。更臨應爻。到彼不利。鬼化子孫。雖有災患不足患。

靜遇日衝。必爲他人而去。動逢間合。又因同伴而留。

世爻安靜遇日辰動爻暗衝者是別人來挽他非爲自己已謀也日辰併起合起皆然要知何人央他以復併爻定之如父母爲長上類若世爻發動遇動爻日辰合住者是將行而有事羈絆未能起程要知何事絆住以合爻定之如鬼爻爲官府中事類又如勾陳動來合住爲田土事類在間爻多因同伴而阻

世若逢空最利九流出往

世空去不成強去終不得意而回若本身占卜最忌世空雖經出行陷本他鄉徒勞奔走若九流蕪術及公門勾當人占反爲吉利之兆主空手拿財鬧處得財然亦不得積聚逢衝則妙

土如遇福偏宜陸地行程

卦中火土爻動是陸行水土爻動是水行若火土臨財福則宜陸地鬼殺臨水土不宜舟行土火化

空須防跌蹶。水土化空。須防沉溺。更宜通變。

鬼地墓鄉。豈堪踐履。財方父向。恰可登臨。

鬼地者。世屬金。南方是也。墓鄉者。世屬火。西北方是也。他做此。若往此方。必有災咎。若求財利。要行財方。如世屬土。北方是也。求官見貴。要行父向。如世屬水。西方是也。亦做此。凡鬼殺所臨之地。宜避之。財福所臨之地。宜往之。

官挈玄爻刑尅。盜賊驚憂。

凡占出行。最怕鬼爻出現。休囚安靜則吉。猶不可動。動則必有禍患。如臨青龍。酒色中惹禍。臨朱雀。言語中招非。臨騰蛇。多驚恐。臨白虎。多疾病。臨玄武。主失脫。勾陳臨水動。途中必多風雨。已上持世尅世。最急。旺相亦急。休囚受制。不傷世身。終無大禍。不過伴侶有災耳。世空不受尅。亦主伴侶有災。

兄乘虎殺交重風波險阻。

兄加白虎動。或鬼在木爻動。或木化鬼來刑衝。或鬼在巽宮動。尅皆有風波險阻。在三四爻出門便見。在間爻途中遇。在五爻一路不安。在上爻或應上直至地頭見也。旁爻動不傷世身。止是險阻。乘旺衝尅。須防沒溺。鬼化兄。兄化鬼。不惟途中風浪驚憂。且有盜賊。

妻來尅世莫貪無義之財財合變官勿戀有情之婦。

妻財動來刑尅世爻。因財致禍。勿貪可也。若世與財爻相合。而財爻變出鬼來刑尅者。因色招殃。勿戀可也。

父遭風雨之淋漓舟行尤忌。

父爲辛勤勞苦之神。動則跋涉程途。不能安利。刑尅世爻。必遭風雨阻節。而然父爲舟。尅世行船又

不順利更加白虎木爻或化官必亢風波之險得子動來解救庶可化凶爲吉

福遇和同之伴侶。謁貴友凶。

子孫持世吉無不利主吉去善轉發動必逢好侶在三四爻出門便逢在五爻途中遇在六爻地頭得好人扶持若爲謁貴出行則不宜子動謂之傷主反爲不利之兆

艮宮鬼坐寅爻虎狼仔細。

官在震宮及艮宮遇寅爻動主有虎狼之患若無爻有制伏或不傷世或世在避空者終不傷命但有虛驚耳

震卦凶逢蛇殺光棍宜防。

凡主劫財若加騰蛇動必有光棍劫財物在震宮其根在市鎮上在坤宮鄉里中人應臨地頭上

人五爻途中被騙化出官
則是盜賊無忌須防剪綫

鬼動間中不諧同侶

官在間爻動伴侶不和或伴中有病凡空不受尅制則主自己已有災難非伴中有事也

兄與世上多費盤纏

九爻持世必費貲財臨蛇雀恐有呼盧虛費青龍
玄武酒色費財餘則盤纏多費耳若爲財利出行
最不吉休囚不動尤可乘旺發動則
主空費盤纏徒勞奔走必無所得

一卦如無鬼殺方得如心

官鬼凶神出行不宜見之在初爻脚必痛二爻身
有災三爻伴侶病四爻去後家有官事相擾五爻
道路梗塞六爻地頭謀望不利
六爻無鬼方爲大吉之兆也

六爻不見福神。焉能稱意。

子爲福德。又爲解神。若不上卦。或落空亡。則鬼殺專權。凡有災禍。必無救援。故海底眼云。卦無子孫不喜。悅。

主人動遇空亡。半途而返。

隔手來占。須看何人出行。如僧道子姪。則看福是主人。餘做此。主人空動。行至半途。仍復回來。動化退神。亦然動化空。則主去後不利。退神者卯化寅。酉化申類。

財氣旺臨月建。滿載而回。

出行若得財爻旺相。生合持世。不臨空亡。不受刑剋。異日必有生意。更加月建。定主滿載歸家。

但能趨吉避凶。何慮登高涉險。

○行人

人爲利名。忘却故鄉生處樂。家無音信。全憑周易卦
中推。要決歸期。但尋主象。

官員公吏看官爻。僧道卑幼看福爻。妻妾奴婢看
財爻。兄弟朋友看兄爻。尊長老人看父爻。不在六
親之中者。
看應爻。

主象交重身已動。用爻安靜未思歸。

用爻卽主象。動則行人已行。看何爻。便知人在
何處。如在初二爻。方發足。在三四爻。將到門。在五
爻。在中途。在六爻。還在地頭。歸期尚遠。用爻不動。
口辰動爻。又無衝併者。安居異鄉。未有歸念也。

尅速生遲。我若制他難見面。

用爻動歸期可擬。日辰若尅世。人必速至。生世合世。人必歸遲。最怕世爻尅制用爻。乃未能歸。

三門四戶。應如合世卽還家。

三爻爲門。四爻爲戶。臨用爻動歸程已近。更得應爻動爻尅世。生世。而用爻又無制伏者。人卽到家。可立而待也。

動化退神。人旣來而復返。

凡寅動化卯。巳動化午。類講進神。酉動化申。子動化亥。類講退神。用爻若化進神。行人急急回來。不日可望化退神。行人雖來。仍復返空。動亦然。看臨何爻。便知何處轉去。要知行幾里路去。以生成數斷之。如一六水數。二七火數。三八木數。四九金數。五十土數。陽爻以天數推。陰爻以地數推。生旺倍加。死絕減半。

靜生世位身未動而懷歸。

六爻安靜人必未歸。若應生世合世或世應比和而用爻生合世爻者身雖未動已有歸意。但看衝動月日起程生旺旬日必來。有炁主速到無炁主遲滯。

若遇暗衝睹物起傷情之客况。

卦爻不動本無歸意。若得日辰衝動應爻或用爻者必然睹物思鄉方欲起意回家。日辰雖衝而月建動爻剋制者總有客况亦難起程也。

如逢合住臨行有塵事之羈身。

用爻發動固是歸兆。若遇動爻日辰作合謂合住其人雖欲回家因事絆住不得歸來也。如被父母合住必因長上所留或因文書阻滯財爻合住必因婦人迷戀非因財物淹留兄弟合住多因朋友

同伴口舌所阻。子孫合住。必因小口。六畜僧道所阻。官鬼合住。帶吉。則貴人所留。加凶。是火盜官災。住。絆。

世尅應而俱動轉往他方。

凡古行人。卦爻宜動不宜靜。世動歸心必切。應動身已登程。若動世尅動應。行人雖來而往他處。非歸家也。用爻動而生合。應爻者同此推斷。

應比世而皆空難歸故里。

應爲客鄉。世爲家鄉。應爻生世。合世。是行人思家之象。可望其歸也。世應比和。本非歸兆。必得用爻動來尅世。合世。乃能歸耳。惟怕應爻空亡。雖來亦必遲緩。更與世爻皆空。則欲來不來。必無准實。難望其歸來也。若應不空而世獨空亡者。又主行人已離彼處。反主歸速也。用爻更動。可立而待也。

遠行最怕用爻傷。尤嫌入墓。

遠出行人。若得用爻出現。不臨空亡。不受傷剋。卦有財福。便主在外吉利。雖歸遲無妨。在死墓絕地。或日月動變刑剋。皆主不利。若用爻無故自空。或變入死墓空絕。或忌爻乘旺帶殺發動。或卦無用爻。應又空者。皆當以死斷之。

近出何妨主象伏。偏利逢衝。

家內近出行人。用爻伏藏。必有事故不歸。若得日辰動爻衝之。則便歸。或無日辰動爻相衝。至衝動日時。卽到。用爻安靜。亦依此斷。不歸事詳見下。

若伏空鄉。須究卦中之六合。

用爻空亡。必須中間剋破伏上飛神。方得露出伏神爲用。否則終被把住。雖有提起之爻。亦何用哉。

若得伏于空亡爻下。一遇動爻。日辰六合。卽出爲用。行人可望其歸。六衝尤妙。要決歸期。亦以衝合月日定之。若伏神自遇空亡。恐作他鄉之鬼。必無歸日。

如藏官下。當參飛上之六神。

用爻伏官鬼爻下。必爲凶事所羈。如臨青龍。必因酒色成病不歸。臨朱雀。必因官非口舌不歸。臨勾陳。蹢跌損傷。臨騰蛇。牽連驚恐。臨白虎。臥病不起。臨玄武。被盜失財不歸。凡遇土鬼爲病。火鬼爲訟。勿論六神可也。卦無官鬼。亦依上斷。

兄弟遮藏緣是非而不返。

用爻伏在兄爻下。必有是非口舌爭鬭事不歸。加朱雀爲賭博。化官鬼爲失財。臨白虎爲風波。

子孫把住。由樂酒以忘歸。

用爻伏于子孫下。必爲遊樂飲酒田獵串戲走馬。而不歸也。不然亦爲六畜之故。小兒之事。僧道之阻。所以不得歸家。

父爲文書之阻滯。

用爻伏于父爻下。必爲文書阻滯。或爲手執不歸。不然。則是尊長所留。卦無父母。或落空亡。必無路引。動化空。路引已失。父化父。兩人合一引。

財因買賣之牽連。

用爻伏于妻財下。必爲經營買賣之故。而不歸。財爻空亡。或遇兄劫。多因折不。財臨有炁。或遇生扶。必有利息。故忘家也。若臨青龍玄武。必是迷花不返。

用伏應財之下。身贅他家。

用爻伏于應上妻財之下。必然身養他家。不思歸也。財動生合世爻。挈婦歸家。財爻若與伏神不相生合。乃是與人掌財。或是倚靠他家。非婚壻也。

主按財庫之中。名留富室。

用爻伏于財庫下。其人必在富家掌財。伏神衰絕無炁。則是傍他度活耳。若得用爻出現在財庫爻動。異日必然滿載而回。更加青龍月建。尤爲稱意。

五爻有鬼。皆因途路之不通。

鬼在五爻動。必是途路梗塞不通。故不歸也。五爻若遇忌殺發動亦然。五爻空亡。亦是道路不通之象也。

一卦無財。只爲盤纏之缺乏。

卦中動變月日皆無財爻者爲無路費故不歸有財無故自空者亦然行人元爲財利者必不途意墓持墓動必然臥病呻吟

用爻入墓化墓或持鬼墓或卦有鬼墓爻動或用伏于鬼墓爻下皆主病臥他家故不同也若伏官爻下亦然帶朱雀或化文書必在獄中非病也

世合世衝須用遣人尋覓

用爻安靜得世爻發動衝起合起者必須自去尋覓方能歸用爻伏藏得世爻提起用爻入墓得世爻破墓皆用尋覓方回

合逢玄武昏迷美色不思鄉

六合卦玄武財動或用臨玄武動而遇財爻合住或用伏玄武財下或卦有三合財局而玄武亦動

其中者皆主行人。在外貪花戀色，不思故鄉也。若得動爻，日辰衝破，尅破合爻，庶有歸日。若用臨、玄、武、化鬼，或伏玄武鬼下，而財爻不相合者，其人在外，必爲盜賊，不然亦被盜攀害，故不歸也。

卦得游魂，漂泊他方，無定跡。

游魂卦應爻發動，行人東遊西走，不在一方。用在五爻動亦然。游魂化游魂，行跡不定。游魂化歸魂，遊徧方歸。

日併忌興休，望到身臨，用發必然歸。

尅制主象者爲忌爻。若在卦中發，或臨身世，或帶日辰，或被日辰衝併，皆主不歸。若得用臨卦身出，現發動，則必回來。若持世動，亦可望其歸。

父動卦中，當有魚書之寄。

凡占行人卦有父動必有音信寄來。生世合世持世尅世皆主來速。世生世尅則來遲。化出喜爻或化福爻是喜信。或化忌爻或化官爻是凶信。動空化空是虛信。加滕蛇化兄亦恐未的。父化父兩次信來若逢合住音信被人沉匿或帶書人有事稽延在途未能到也。若逢衝散書信已失。重爻則已過報。

財興世上應無雁信之來。

凡占望信遇父爻衰靜或空或伏或有財動或財爻旺臨身世皆主無信。卦有動爻化出父母生合世爻自是其人傳信也。如元化出朋友寄來類。

欲次歸期之遠近須詳主象之興衰。

用爻旺相歸必速。休囚歸必遲。生旺墓日歸休囚死絕生旺日歸安靜衝動日歸發動。卽以本爻定。

其月日或入墓或合住以破墓破合日定之靜而有衝者以六合日斷之動而尅制者以三合日斷之代占以應爻論之遠以年月斷近以日時推獨發之爻亦可推之如子爻動即取子日爲歸期動處靜中合蓄許多凶吉象天涯海角羈留多少利名人。

○舟船

凡卜買船斷同船戶。

凡卜買船吉凶與船戶人占一同推斷若船戶自來占上要同家宅斷之爲是。

六親持世可推新舊之由。

財福持世是新船父母持世是舊船兄弟持世半新半舊鬼爻持世災驚不利。

諸鬼動臨。可識節病之處。

金鬼釘少。土鬼灰少。木鬼有縫。
水鬼有漏孔處。火鬼有燥裂。

初二爻爲前倉。要持財福。五六爻爲後舵。怕見官兄。

已上皆要臨青龍。天喜貴人財福則吉。主有富貴之人。上無吉利。四爻三爻爲中艫。亦要帶財福。

爻作梢公。不宜傷尅。

父母爲船。又作梢公。要生旺。不被日辰動爻傷尅。爲吉。占買船。要財靜。則船好。無損壞處。

龍爲船尾。豈可空刑。

青龍爲船尾。生旺動持。生合世。皆主利益稱意。

騰蛇辨索纜之堅牢。

陰蛇爲索纜空則枯爛
不好旺則堅牢美利

白虎爲帆檣之順利。

白虎屬風故取爲風帆若生旺帶財福吉神動持
生合世身則船有好帆使風順快若白虎帶凶鬼
惡殺旺動尅害世身大不利主遭失風傾覆之患
勾陳爲鐵猶休囚空亡船無鐵猶帶鬼尅世鐵猶
爲怪化空
絕有失。

六爻皆吉不傷身四海遨遊無阻滯

六爻生合財福吉神又生旺持世身動爻又不來
傷尅則無往不利雖遠遊于四海五湖亦皆吉利
若于水持世其船損人丁每驗法卦又看行船出
入避忌爻如鬼兄白虎臨太歲爻動來刑衝尅害
世身必有風波險惡
更有凶神尅世大凶

○娼家

養身家于花柳之中。曰娼與妓。識禍福于幾微之際。惟著與龜。花街托跡。柳巷安身。門外紛紛。總是風流子弟。牕前濟濟。無非歌舞佳人。若要安寧。必得世無衝起。欲求稱意。還須應去生扶。

凡遇娼家卜住居家宅生意類。皆以世爲主。娼之人。應爲宿娼之客。若得月建日辰動爻。俱不刑衝。尅世。必主家宅吉利。人口安寧。更遇應來生合。乃十全好卦。凡事稱心。雖常人占宅。亦要應爻生合。世爻。則主謀望有成。所求多遂。應空多不利。

卦見六衝。往來亦徒迎送。

六衝卦來往人多。但主空來空往。更若兄動。恐有無籍棍徒攪擾。若遇六衝而世應爻空。或財爻發動。必主住居不久。或不安。

爻當六合晨昏幸爾盤桓。

娼家得六合卦最吉。蓋合則情分相投。必主人多顧戀。內外和同。家門雍睦。得三合六合太過者。尤利。常人占宅。反忌之。必主家中淫亂。娼家則以此爲主。所以斷法不同也。

財若空亡。錢樹子慎防傾倒。

財爲娼妓。無故自空。或衰絕受剋。主妓女喪亡。財若重疊。妓女必多。旺相則顏色美麗。衰則容貌不妍。刑則有病。月日動爻無生無合。人不眷戀。胎養年少。若逢墓庫。老年娼妓。凡遇火爻善歌。木爻善舞。水爻則體態輕盈。金則肌膚白淨。上則容儀渾厚。動則善于奉承。其餘詳見性情篇。

官如墓絕探花郎那得棲遲。

官爲宿客生意之主。若得動來生合世爻。必多宿客下顧。更得日辰來扶。必有貴人招接。惟怕空亡墓絕。則宿客不多。總有亦非富貴豪客。若得變出財爻生合。必是捨財大俠也。

妻財官鬼二者不可相無。

無財主無出色之故。無官主無貴客招接。皆主錢財不聚。破耗多端。若財官俱無。或一空一伏。是時運不濟。定當守困。

財鬼父兄子孫皆宜不動。

住居得安靜卦。必然人口平安。門庭清吉。若見交重。定多駁雜。蓋六親中惟子孫爲吉。常人占雖喜發動。而婦家又非所宜。以其尅制宿客故也。但得五類俱全。六爻不動。財鬼有無。世身有助。便是上

吉之
卦

鬼殺傷身火盜官災多恐怖。

鬼爻生合世爻是宿客顧戀之象。雖動亦吉。若衝刑尅害則是鬼殺爲禍。重則官災火盜。輕則是非口舌。以五行六神參看。金見前篇。

日辰衝父住居屋宅有更張。

父母爲居處屋宅。若在卦中發動或被日辰衝尅或父母化出財爻皆主所居屋宅當有更變。如占住居必住不久。否則所居屋宅亦必破壞。

兄弟交重罄囊用度。

兄弟動主生涯冷淡。破耗多端。更有生扶則罄貴用。震亦無了日。變出鬼爻常招是非口舌。所來之人。

亦無好客。有制稍可。大抵兄弟不動。財爻衰弱。或變死墓空絕。皆主生意不濟。兄弟發動。則尤不濟。子孫藏伏。感額追陪。

子孫爲福德喜悅之神。娼家雖不宜動。然不可空亡隱伏。主家宅不安。住居不穩。生涯不旺。虛度光陰。慶額過日而已。若見刑殺尅世身。不嫌此爻發動。

財化福爻。家出從良之妓。

財不宜動。動則妓女走失。若化父妓。必精曉彈唱。善能迎接。化兄。不善奉侍。禮貌粗俗。言語多詐。彈唱亦低。化鬼。須防妓女不測災禍。化財。謂用化用。恐有逃亡走閃之事。若逢衝尅。或臨空動。皆然。化子。有從良之志。雖在風塵。亦是強姦也。卦無財。而本宮財伏于下。或從子化出者亦然。

官居刑地。門招惡病之人。

鬼帶刑爻生合世身多招帶病之人來往與世生合與財刑衝須防妓亦沾染鬼化鬼或化忌爻刑尅世身恐因宿客致禍有制不妨有救可解

忌動衰空。閑是閑非。閑撓括。

忌則尅制世爻之神凡事皆怕見之若在卦中發必不吉利如得休囚無炁而又空亡雖動不妨但主閑是閑非虛災虛禍而已必無大害

財興尅世有財有利有驚疑

凡遇財爻旺相住宅必有生意但不宜動來傷財耳蓋財乃生禍之端所以雖吉而有所忌也如帶刑害虎蛇等殺乘旺動尅身世必然因財致禍已十二條非此一事爲然常人家亦當依此推斷

能將玄理以精詳真乃黃金而不易

附闡幽精要

○觀人斷法

先天妙訣少人知。但看來人急與遲。喜笑一聲將吉
斷。慌忙煩惱作凶推。入門坐定寬容問。斷他災禍盡
消除。若見着衣併束帶。出入功名事事宜。若見並肩
挽手過合本。求財利有餘。僧尼道姑如何斷。斷他離
祖又刑妻。

○六神情性賦

青龍持世。爲人愷悌。有仁有德。朱雀持世。一生好訟。

招是招非。勾陳持世。爲人穩重。行事遲鈍。騰蛇持世。爲人少信。有頭無尾。白虎持世。一生剛強好勇。志短無謀。玄武持世。爲人慳吝奸雄。吝小失大。

○身命章

既富且壽。世爻旺相。更無傷。非天則貧。身位休囚。嫌受制。卦宮衰弱。根基淺。爻象與陰。命運強。世居空地。終身作事無成。身入墓鄉。到老求謀未遂。若問成家。嫌六冲之爲卦。要知創業。喜六合之成爻。旺世助身。強自撐持。衰世有扶。因人創立。日時合助。一生偏得。

小人心歲月克冲。半世未沾君子澤。父母持世。辛勤勞碌。兄弟持世。疾病連綿。遇兄興則錢財莫聚。見子動則身不犯刑。子死妻亡。絕俗離塵之輩。貴臨祿到。出將入相之人。遇龍福而無氣。總清高亦是寒儒。逢虎才而旺強。雖粗俗而還富客。朱雀與福德臨身。合作梨園子弟。白虎逢父爻持世。定爲柳陌屠夫。世加玄武官爻。必梁上之君子。身持勾陳父母。是野外之農夫。才福司權。榮華有日。兄官秉政。破敗無常。運至中年。凶殺莫交。折挫時當晚景。惡星尤忌攻冲。妻水

加龍。必是詩書顯達。土才月建。定知店業營生。若臨華蓋空亡。當知僧道。但逢青龍月德。定爲郎官。

○家宅說

才逢死絕之鄉。見孫冷淡。世值空亡之兆。家計荒涼。騰蛇鬼動於子孫。家人自縊。玄武爻興於子息。婦女風流。咸池與白虎同居。呼盧好飲。大乙與青龍共位。足義多仁。火興爲宅屋之傍。土動乃園林之側。宅臨巳午。非窰竈則近於厨堂。木值空亡。因斧斤遂敗於古墓。絕臨金位。師巫寺觀之傍。鬼在火鄉。社廟神壇。

之所。不見人多惡疾。須知女落風塵。虎伴交重。乃是
重喪之殺。龍居金位。名爲進寶之鄉。勾陳帶土。而進
益於田園。青龍持世。乃新修之宅舍。凡卦數推之陰
陽。更加細看。世爲宅而言禍福。應爲人而定吉凶。青
龍爻動而近日新修。白虎爻興而經年破漏。旺相者。
則資財進益。休囚者。則倉庫空虛。宜視衰旺。以明吉
凶。父母子孫俱旺。老者安。少者康。騰蛇白虎安靜。災
不生。禍不作。午爲馬。丑爲牛。酉爲雞。亥爲猪。戌爲犬。
巳爲蛇。吉神生旺。每歲增添。爻值空亡。連年退損。巳

午爲之湯火。申酉爲之刀砧。水湯火災。子午爻動。鷄鳴犬吠。酉戌鬼臨。天喜貴臨。內卦。後堂新修。破碎空臨。外象。正屋琉璃。竹木園林。寅卯同斷。池塘穴坎。亥子同推。玄武爲後。左是青龍。朱雀爲前。白虎居右。陰陽動靜。仔細推詳。禍福吉凶。分明察斷。

○柳神經

凡占家宅。先觀鬼神之機。次辯六爻所用。父化父。人家兩姓鬼。化鬼家宅多災。父爲宅宇之基。才是竈厨之所。子孫爲井。兄弟爲門。父爻值墓。家多疾病之人。

才位臨空宅住貧窮之輩。子逢金旺。便知鏡子光明。
子值木衰。可見秤無星兩。子是長流。須分前後。亥爲
塘浦。要辯方隅。丑爲田園。寅爲樹木。卯爲蓬蒿。辰爲
平地。巳爲焰烟。午爲火意。未爲山嶺。申爲金銀。酉爲
銅鐵。戌爲穴坑。交重詳察。重是曲員。交是方直。陰土
爲坑。陽土爲宅。父居坎位。四圍有水汪洋。父臨木爻。
遶屋樹林森茂。才福吉神內象。必然先富而後貧。兄
鬼煞虎內宮。以定先貧而後富。父入勾陳土位。豐稔
田園。日刑木父休囚。損傷卓橈。父臨入墓。坟墓爲殃。

鬼生世象。家神作祟。騰蛇入木。家招繼死之人。玄武臨身。必出投河之鬼。火炎旺動人多。木位興隆。樹茂火炎伏鬼。定生目疾之人。水位隱官。必有盲聾之輩。二姓同居。必有兩重兄弟。爹娘又見。官中父母再逢。父入子宮。必主後娘來就。子臨父位。定主隨母嫁人。子見兩重。螟蛉亦有。兄爻單見。鴈侶難同。兄化鬼以空亡。兄弟空房。父臨空以化鬼。父娘作故。陰兄化入陽兄。嫂贅晚夫同舍。陰子變入陽子。女招婿而同家。父化父。外娘晚位。才化才。當娶雙妻。喪門殺動。本是

災非孝服。天喜星臨。必然嫁娶添丁。披頭動。要出風顛。五鬼興。必生暗眼。羊刃臨才。定是屠酤之輩。咸池入酉。必然花酒生涯。才入咸池化鬼。女多獨守。子臨寡宿化官。男主孤虛。驛馬值世。奔波不定。貴人生身。好享榮華。世應兩冲。家門括擾。爻逢六合。和氣相同。子入鬼關。小口豈無傷損。才臨大殺。婦人必有產亡。辛未持世。大路當門。戊戌五爻。竹木當路。蛇入屋來。四爻騰蛇土動。鵲巢當戶。六爻朱雀木興。青龍六位巽宮。家有頭風之疾。玄武初爻鬼動。必生腳濕之人。

騰蛇木鬼臨門家出自縊。白虎土殺入戶。家有血光
火燒家堂。子入火鄉化火。鼠來害物。鬼宮化出子爻。
南上邪神。朱雀鬼臨火動。北方之鬼。玄武動而水興。
金鬼西方之佛像。木鬼東獄之至尊。福世當年獲慶。
殺鬼每日閑災。兄動而奸人脫漏。福興而吉事頻來。
鬼化亥未。願欠猪羊。子化申辰。佛前燈願。冲開丙戌。
丁亥。牆倒壁穿。合扶巳卯戌寅。城堅土厚。冲動丙寅。
香爐破損。旺搖庚戌。首飾鮮明。戌化土金。犬多黃色。
金鬼化子。鼠作妖聲。初爻鬼武鷄鴨人儉。三位官空。

養猪無畜。二爻鬼殺。犬必傷人。四位殺官。羊多卒死。
五位休鬼。耕牛不興。六位虎鬼。馬無乘坐。心氣病。火
鬼動。脾胃災。土鬼搖。初位殺空。小兒難養。六爻木鬼。
老者中風。上透金爻。終年眼暗。五爻火鬼。癆瘵纏身。
青龍木鬼。必是觀音。玄武水鬼。恐其玄帝。寅爲神。神
帶虎行。午爲神。神騎馬走。太歲臨鬼。克世。一年非事。
卽陰司。日辰福德扶身。四季開眉而興旺。

○參玄賦

一卦能推吉凶。六爻可分禍福。凡占家宅。先觀神鬼。

之機。欲問人烟。須究旺相之象。父爲屋宇之基。才是
竈厨之所。父爻入墓。家多疾病之人。才位臨空。宅有
產亡之鬼。旺相宅新。休囚宅舊。兄作爲門。更怕日辰
冲損。子孫爲器。最憂月破加臨。子逢金旺。便言鏡必
光明。福值木衰。可見秤無星兩。金鬼休囚。香爐破損。
木官旺相。神像無傷。父母安靜。祖先神主安寧。官鬼
爻興。家宅人丁不穩。父入土。父旺相。豐稔田園。日冲
木。父休囚。破損卓橈。父臨丘墓。家塚爲殃。木動坎宮。
橋梁作礙。木臨朱雀。篋藏契券。爲殃。木入青龍。家有

船車往泛。官伏土中。櫟磚不利。鬼藏木下。棺槨爲妖。
更將一例推占。須着六爻分究。鬼臨初位。暗興宅有。
伏尸古煞。官遇六爻暗動。匠工作弊爲殃。巽宮木動。
當生縊頸之人。坎卦水興。必出投河之鬼。離宮水動。
湯澆死。但遇火鬼。火湯傷。官臨土旺。斷言土府搶攘。
鬼值木興。詳會樹神作礙。鬼入坤來。定有坟塋之祟。
官臨艮上。必逢獄禁之魂。鬼附騰蛇。生怪夢。官臨朱。
雀。惹閑非。貴人官。當生拔萃之兒郎。劫殺鬼。須慮穿。
窬之盜賊。鬼克兄門。當破損官。衰世宅有多灾。才龍。

旺相。必是潤屋之家。妻虎休囚。定是枯茅之舍。才旺
初爻。鷄鵝作畜。妻衰外象。豕畜多亏。天乙才爻。定出
續綽之子。咸池妻位。應生娼妓之人。子臨二位。乃知
犬吠生人。福值次爻。定有猫啣耗鼠。兄是門牆土壤。
弟爲口舌隣房。交重土弟休囚。必定牆壁坍塌。發動
木兄死廢。定還門戶歪斜。又兼月建克冲。斷爲破戶。
喜見日辰生助。決是新門。兄臨月建坎宮。曾支坑廁。
弟在水爻浴位。必砌浴缸。間兄發動克冲。隣家疾妬。
兄弟扶持身世。朋友欣偕。兄尅金才。妻有病。弟臨火

應友多非。劫臨兄動。謹備賊徒空值。弟與定分門戶。
六爻無水溝渠塞。一卦無金鼎鑊傷。木位興隆多樹。
木火爻旺相足人烟。日克火爻當生眼疾。日冲坎位。
定主耳聾。日克木才牀榻損。日冲木弟柱樁傷。若問
何方。須詳爻象。要知何處。定察墓爻。但值兩妻之火。
兩處烟厨。或臨二父之離。二家屋宇。不然二姓更同
居。須把六神分仔細。

○家宅秘訣

凡占家宅。細察五行。木合父爻。變申酉。瓦簷草脊。金

生母位逢福德玉砌雕欄間坐寅卯衰又克牕檻橫
斜應臨亥子木相逢池橋出入主象無傷且喜來占
有慶忌爻有制須知見險無虞六爻安靜則門庭清
吉五類俱全則宅眷安寧鬼墓臨身常有陰人伏枕
日辰生世每多喜事臨門最怕歲君克世身一年不
利尤嫌鬼殺逢發動合宅多災世受克冲家主終遭
患難才逢刑害妻奴必見災危陰鬼主陰司之病症
陽鬼爲戶役之官非金則凶喪水須失脫巳午憂火
燭之虛驚土木恐田桑之欠熟若出二爻湯火中切

宜仔細如加六位棟梁下須慎崩摧壁壓牆傾却被
土冲兄克蛇傷虎咬皆因巳害寅刑遭壬午之官乘
馬難逃跌扑遇戊寅之鬼行船必被風波官爻藏伏
才耗而塚墓荒蕪妻位殺官家中每逃亡奴婢動出
子孫胎當有陰人妊子助成門戶鬼須防橫禍臨門
福應生身且喜添增人口土才合世定知廣置田園
世值動妻屋不賣而雙親有損世臨空福身無傷而
小口有災才鬼一同生合慶及婚姻兄弟兩見刑冲
災連眷屬鬼在門頭日日駁駁雜雜官居宅上時時

唧唧噥噥無路則不宜遠出無宅則利往他鄉才化才爻遇玄武須防剪結陰合陰位加官殺切莫貪花子卯夫妻日下當遭反目辰戌兄弟月中定見閹墻印綬合官扶世仕途享通妻才化福持身貴人淹滯若問血才當詳血肖遇吉則長養無疑逢凶則猥穢有損更兼制化方窮就裡之精微能達變通了諒人間之禍福

○家宅六爻賦

人居六合不離五行要識玄微細推生克初爻是井

切忌勾陳。青龍則泉水生香。白虎則乾枯坍塌。朱雀
一雙在宅。勾陳填沒無尋。騰蛇主怪異深藏。玄武有
器皿埋沒。欲知枯井年深。須察子孫久遠。二爻是竈
切忌克冲。子孫發動。主竈不利家丁。官鬼空亡。定害
陰人小口。兄弟動。則重立竈基。父母興。則竈將坍塌。
朱雀臨爻。必主陰人哭竈。騰蛇坐世。定然釜甑虛鳴。
玄武主偷鍋盜釜。白虎主破損東厨。勾陳定見虛驚。
朱雀多招口舌。三門四戶。細看冲刑。子孫發動。門臨
綠水青山。爻值青龍。戶對高樓聳閣。父母臨爻。宅近

街衢市井。伏連官鬼。家隣古墓神壇。勾陳發動。必多破損。朱雀興隆。定主倒裝。要知閤閤侯門。須看青龍與旺。欲識鐵石庭戶。細察蛇臨位興。五爲道路。怕犯六神。朱雀持世。南方遠路冲門。玄武克身。北地相親宅宇。青龍喜巽地來龍。白虎怕西南走動。勾陳遇鬼。家中有路可行人。玄武來冲。宅內有橋通大路。騰蛇若值飛爻溝壑。必生災咎。六是梁棟。切忌空亡。子孫發動。必主畫棟雕梁。父母興隆。定是松栢雜木。才動則換舊更新。兄興定幫梁接柱。土父空亡。牆壁坍塌。

木官冲克。接斗斷梁。

○搜精六爻

初爻論根基鬼動却非宜宅邊有古墓災殃損小兒
陽圓陰方地合方長生基冲凹刑尖削克破合圓基
克五宅長病克二宅母危世爻君值此兩處起根基
有水必有井明堂有井鬼白虎同臨位定主有橋頽
動化日辰合暗井掩無泥初爻父子吉兄鬼外人基
更若初爻動墻損有高低財值身旺地休囚值不宜
玄武臨初位溝潭不利時更值螣蛇上樹根穿破基

二爻爲宅母財祿終有吉殺鬼動交重宅母防災厄
值鬼竈跨梁小口生啾唧兄在二三爻坑竈近相逼
玄武合水爻暗井無人識玄武入土爻穢汚猪羊室
旺新休舊竈虛竈脚不實一卦兩重財二竈烟火出
子孫日辰冲竈邊路不吉生扶二眼竈玄武溝潭塞
財爻卦內凶有竈無厨食二爻入興動此竈曾修葺
二爻被金冲鍋破當知識二爻值空亡廢竈無差失
應若臨二爻外姓人同室財福坐清高兄破人無益
朱雀火動空竈復重置立兄弟化兄弟兩門合出入

財爻克世身媳婦欺婆力世鬼值此爻總是離家室
若是二爻空子定無娘力化出父母爻屋後被人出
父母龍德臨必是公侯宅空休與應同搭角屋相及
木死逢蛇陳中蓋是端的二爻木化木廣起樓臺屋
二爻鬼化鬼前後廳堂室土金臨此動必定主開闢
木爻朱雀動市井相連跡二爻日月破災禍無休日
欲識換人君日辰冲世宅財子同父兄亦然主換宅
二爻財化父必是建新宅爻休六神旺半舊半新室
龍臨長短居蛇是牽連屋玄武是空居朱雀多開闢

二爻休化旺前舊後新宅龍德貴人臨家中足衣食
才福吉神空貧日相逼

三爻爲門戶龍主光新休囚冲破損才子福相臻
若值龍蛇上細縛必有繩冲二居爲路合二定爲門
四爻來冲破相對有穿心三四俱兄弟出入有兩門
玄武臨其上門上漏相侵三四俱發動意要更改新
兄弟主破耗空亡無大門不然主破碎左有右無存
若是逢冲克出入欠正行三爻俱龍木牀帳必然新
若臨申酉位破損不須論不正偏倚損日辰冲破刑

騰蛇臨鬼動怪異及虛驚若臨玄武鬼作怪在陽人
玄武臨其上穢污地不清卯木三爻上神堂下牀停
不然樓板上樓板上安尋子午卯酉正辰戌丑未橫
寅申巳亥位必主落角停三爻論香火不宜逢四土
不淨犯家堂外鬼常興禍無鬼及空亡家堂無神主
二鬼卦裡生兩處分香火一卦無子孫不信神佛助
玄武亥子位漏濕家堂主不然北斗神值武宜詳護
入旺朱雀神或燒或犯鼠木值此爻興五聖爲神禍
外有三四鬼其家有分處三鬼若坐爻弟兄不得力

龍德貴人臨添新喜生戶刼殺鬼相干弟兄疾病苦
二爻財動旺宅屋必高古三爻值世財外喜內憂苦
守常終是吉次第爲數數

外戶值四爻財子福滔滔龍德貴人旺必定主清高
惡殺臨鬼動叔伯悔煎熬母位還依此龍德福迢迢
朱雀值此動官訟是非招有氣人丁旺休囚悔莫逃
兄弟臨蛇動坑破外人拋玄武臨兄上水邊溝水淘
冲刑併伏鬼推此用心高

五爻是主人家長長房親青龍福德旺家長喜氣新

尅宅人口吉災生宅尅人官鬼帶殺動家長受災連
五爻坐兄父長房妻子刑坐財傷父母妻妾要損身
五爻值休廢必是無力人虎劫刑冲尅知有痴雙親
子孫臨此位人少不須論五爻值陰世陰人起家門
冲刑在二爻夫婦不和寧若值相生合夫妻永太平
財世若值此入舍女夫身五爻值身世必是女招金
五爻加世位人數此中尋五爻看數目尅減旺加新
此爻若有水宅近水溝津兄弟在此位牆內有坑存
騰蛇冲尅破申酉亦傷身無氣兼刑尅破落必遭刑

生扶并伏化有氣福應臻

六爻爲虛位求爲祖父婆柱梁墻屋地籬笆亦是他
身爻值父母離祖自成家子孫化官鬼陰小受災磨
白虎帶鬼旺災病及公婆更值申酉位六畜不完多
冲尅并刑害家中有破鍋朱雀官鬼動風顛女人磨
此理通玄妙潛心細吟哦

○船家宅

旣明住宅之根因再看船居之奧妙青龍父母祖代
居船白虎妻財初當船戶要識安居平穩須觀福德

青龍初是船頭。必須子孫興旺。六爲後舵。定因福德。交重。父母刑冲。必主風狂浪急。妻財尅陷。定然惹是招非。若逢兄弟交重。怪木必須重換。但遇鬼爻臨用。魔禱急宜祈禱。二爲獵木。須要堅方。若遇騰蛇。多生怪異。但逢朱雀。口舌災殃。青龍利益加添。白虎損人招禍。玄武憂疑盜賊。勾陳耗散資財。三爲倉口。怕逢刑冲尅害。四是桅杆。喜遇拱合。生扶。五爲毛纜。六爲櫓蓬。若得相生。行船必定致富。如逢冲尅。船居多主災殃。世爻發動。宜棄舊而從新。應位興隆。宜世居而

通吉世臨玄武盜賊相侵持世勾陳翻船損舵白虎
防墮水不虞青龍主臨危有救騰蛇爻動主暴病之
憂朱雀爻興有斷桅之禍初位逢空船頭破損二爻
遇鬼繩纜損傷三爻最忌刑冲倉內平基作祟四位
怕逢凶殺破蓬發漏須防五爲毛纜逢空必有驚疑
六是舵門遇殺定當修換若能依此而推船居必無
他事

○疾病論

凡占疾病先禱上下神祇謁卜卦人欲問生死禍福

須詳得病之繇。次告先賢之驗。金木動。骨骼疼痛。水
火興。皮膚寒熱。交重丑未。必傷脾。發動戌辰。因破腹。
巽鬼興隆。乃爲股痛。震官旺動。足疾不瘳。離官旺相。
內爻發動。瘡瘍之疾。火鬼休囚。外象交重。心目之災。
發動兌官。因面病。交重坎鬼。腹中災。土伏土爻。生腫
毒。金藏金位。動心胞。妻在土興。嘔吐。官臨土動。遲疑。
木下木多。寒燠。水伏水多。冷淋。乾官旺相。因頭痛。坤
鬼興隆。爲肚疼。坎卦水興。只緣耳疾。艮官土發。必爲
手災。須將五行論身肢。專執六神分疾病。財逢玄武。

及咸池。病爲貪花。因戀色。妻值青龍。并日建。患因耽
酒。及傷身。發動金兄。氣喘。交重木鬼。身疼。勾陳若臨
土木。病。四等地爭田。騰蛇若入火土。災乃逢驚。逢怪。
虎動臨財。因喪而得。龍興遇鬼。喜處染來。財爲祿命。
怕空亡。伏是命。爻防克害。先將十死卦爲凶。莫比一
般。爻是吉。最凶者。用爻不見與空亡。有救者。福位扶
持。生得力。春忌需蒙。夏嫌觀蠱。秋憂剝節。冬畏旅臨。
祿命隨官難救。世身入墓難醫。官逢大殺。忌傷身。鬼
入用。爻當主死。須忌催尸之殺。怕臨病者之爻。春辰

夏未最難當。秋戌冬丑與還死。又嫌天地轉殺。最是凶禱。乃遇日辰旺相。便言死處。春忌卯爻。卯日。夏嫌午位。午爻。秋金酉日。最忌凶。冬子爻。中逢子日。不論白面少年人。可惜雪髮老年容。總有家資過北斗。也須一命見閻君。要推神鬼之繇。便知天道地道。乩官發動。願欠天庭。坤鬼與龍動。于地府。艮鬼傷身。路神作禍。震官尅世。獄司降災。鬼臨五位。路頭神官在三爻。家內崇坎鬼。動須求瀝水之魂。巽鬼與當祭懸梁之崇。月破入官。求七殺。日辰帶鬼。告三司。日值貴官。

可告城隍富境歲臨官貴宜求玉道家堂兌象官興。
急還口願火爻鬼動速祀竈君離鬼休囚持世值須。
祈斗禱花窮軋鬼軋相尅身宜告天神還素願衰官。
外動別官來便言外崇休鬼內興本官動可辦家親。
坎宮本爲交重船車之鬼艮象土爻發動路獄之魂。
應鬼尅身逢外鬼官爻生世是連親日辰冲發爲無。
主土位塞興定有坎土動死囚牢獄火興臨沒產亡。
但知旺日看四時細察休囚尋八節軋金之鬼白髮。
老翁坎鬼休囚耳聾鬼崇艮鬼手癱震官脚疾巽爻。

官發折腿腰跢離象鬼興眼昏目暗坤土之鬼花蒼
母兌金死鬼缺唇魂要見祖宗伯叔須將父母推詳
如求姨母妻奴更把財爻訣斷陽爻男子陰象女流
白虎喪門親座席青龍天乙貴家親龍雀名爲素願
虎勾定是疊盟雀虎入軋離興動只言拜願燒香勾
陳臨震巽交重便說願心枷鎖鬼靜生身還是吉官
興克世告神凶亦求子位同推反作藥爻以治子旺
福神而得力子衰扁鵲以難醫深詳大象如何要察
吉凶休咎。

卷三
○五行論病歌

金鬼興隆牙與頭。更兼白虎血膿流。木鬼動時風疾
症。頭眩眼暗幾時休。水興寒熱多因瘧。痢疾傷風未
易瘳。火鬼虛勞兼弱症。眼目疼痛有來繇。土鬼脾胃
虛黃腫。間動須當隔病愁。

○六神論神鬼心訣

青龍善願是觀音。上聖三官總是神。斷鬼產亡并帶
血。交重必是本堂臨。

朱雀家堂併竈君。花幡香願素存心。鬼爲吐血兼勞

快目疾傷亡並有因。

勾陳土地及城隍土神同斷亦無傷鬼爲痢症兼蠱
脹遇土因知咽塞亡。

騰蛇本是飛來土遇鬼七殺金作三逢官縊死火勞
怯孩童湯火必然傷。

虎臨太歲大將軍五路傷司五聖神經文香信家堂
顯橫死傷亡肚飽魂。

玄武就名真武帝水僊五聖佛經祈鬼作落水傷亡
斷活法全憑智畧推。

○六神論神祟訣

青龍爻動及黃泉得病先占問禍原舊年佛願相催
討急告東厨及祖先。

朱雀爻興禍不輕遊方五鬼立門庭。夢中口願相催
討正照傍臨本命星。

勾陳爻動禍難當土地家堂及竈王。時疫五瘟求祭
祀家堂踪跡被虫傷。

騰蛇爻發病纏身東厨土地及家親。天曹口願相催
討是非口舌夢中驚。

白虎爻興事不祥神前有願佛前香福德五道求祭祀。土地北殿及乖張。

玄武爻興病患凶。家中人物不和同急告北陰求土地。守命家親在此中。

○占風水要訣

凡占風水要推詳。五事俱全不可傷。財動田園多進退。不然尊長有災殃。父興必是還魂地。小口犧牲總不昌。鬼動弟兄多忤逆。戶門不利惹官方。兄興財物多消耗。或是陰人主少亡。子動必然無訟事。兒孫定

貴少災殃

○何知章

何知人家父母疾

白虎臨爻兼刑尅

何知人家父母殃

財爻發動殺神傷

何知人家有子孫

青龍福德爻中輪

何知人家無子孫

六爻不見福神臨

何知人家子孫疾

父母爻動來相尅

何知人家子孫災

白虎當臨福德來

何知人家小兒死

子孫空亡加白虎

何知人家兄弟亡

用落空亡白虎傷

何知人家妻有災

虎臨兄弟動傷財

何知人家妻有孕

青龍財臨天喜神

何知人家有妻妾

內外兩財旺相決

何知人家損妻房

財爻帶鬼落空亡

何知人家訟事休

空亡官鬼又休囚

何知人家訟事多

雀虎持世鬼來扶

何知人家旺六丁

六親有氣喜神臨

何知人家進人口

青龍得位臨財守

何知人家大豪富

財爻旺相又居庫

何知人家田地增

勾陳入土天喜臨

何知人家進產業

青龍臨財旺相說

何知人家進外財

外卦龍臨福德來

何知人家喜事臨

青龍福德在門庭

何知人家富貴昌

佛像子孫青龍上

何知人家多貧賤

財爻帶耗休囚見

何知人家無依倚

卦中福德落空死

何知人家竈破損

玄武帶鬼二爻惻

何知人家鍋破漏

玄武入水鬼來就

何知人家屋宇新

父入青龍旺相真

何知人家屋宇敗

父入白虎休囚壞

何知人家墓有風

白虎空亡巽巳攻

何知人家墓有水

白虎空亡臨亥子

何知人家無香火

卦中六爻不見火

何知人家無風水

卦中六爻不見水

何知人家兩爻戶

卦中必主兩重火

何知人家不供佛

金鬼爻落空亡決

何知二姓共屋居

兩鬼旺相卦中推

何知一家有兩姓

兩重父母卦中臨

何知人家鷄亂啼

騰蛇入酉不須疑

何知人家犬亂吠

騰蛇入戌又逢鬼

何知人家見口舌

朱雀持世鬼來掇

何知人家口舌到

卦中朱雀帶木笑

何知人家多爭競

朱雀兄弟持世應

何知人家小人生

玄武官鬼動臨身

何知人家遭賊徒

玄武臨財鬼旺扶

何知人家災禍主

鬼臨應爻來剋世

何知人家痘疹病

騰蛇爻被火燒定

何知人家病要死

身命世鬼入墓推

何知人家多夢寐

騰蛇帶鬼來持世

何知人家出鬼怪

騰蛇白虎臨門在

何知人家人投水

玄武入水殺臨鬼

何知人家有弔頸

騰蛇木鬼世爻臨

何知人家孝服來

喪門弔客臨鬼排

何知人家見失脫

玄武帶鬼應爻發

何知人家失衣裳

勾陳玄武入財鄉

何知人家損六畜

白虎帶鬼臨所屬

何知人家失了牛

五爻丑鬼落空愁

何知人家失了鷄

初爻帶鬼玄武欺

何知人家無牛猪

丑亥空亡兩位虛

何知人家無鷄犬

酉戌二爻空亡捲

何知人家人不來

世應俱落空亡排

何知人家宅不寧

六爻俱動亂紛紛

何人造出何知章

晉與後人作飯囊

禍福吉凶真有驗

時師句句細推詳

何知是奧妙。奧妙生剋料。若是吉和凶。六神甲子條。
一宮分八卦。一卦六爻挑。世爲內住場。應作賓對曜。
木住東方地。火向南方位。水向北方流。金向西方叙。
世前有官爻。案前神廟居。世爻水帶鬼。有鬼水中淚。
金木水火土。父兄子財鬼。六神兼六親。禍福日辰取。
仔細逐爻詳。其中奧無比。

○妖孽賦

知之者罕。用之者難。傳入其門。百發百中。卦卦有怪。若非神授。莫窺其奧。

學者
細詳。

軋蛇鬼已冲刑。蓬頭赤脚夜驚人。化猪化馬作妖精。
多拈括宅不寧。逆釵賴鏡損人丁。

坎蛇鬼午來冲。沒頭沒尾成何用。黑而矮。又無踪。拖
漿弄水空聲鬧。

艮蛇鬼若遇申。妖聲似犬夜嚶嚶。空中常拍手。家鬼
弄家人。狗作怪。家業傾。拋磚弄瓦何曾定。

震蛇鬼酉冲刑。空中倚卓動聞聲。踢踏响似人行。大

蛇常出現。窰器响驚人。簞箱作孽人丁病。

巽蛇鬼亥又冲。鷄聲報煬火。鬼怪起狂風。縊死之鬼
擾虛空。牀下縊及房中。

離蛇鬼子來刑。鍋釜作妖聲。空中忽見火光焰。紅衣
者是何人。年深龜鱉以成精。

坤蛇鬼冲遇寅。鍋竈上作妖精。似牛歎氣是亡人。虛
黃大肚鬼出現。不安寧。

兌蛇鬼受卯刑。空中歎氣重而輕。羊出現。獸嘴籠骨
症。苦暴露刀石更成精。移南換北。幻亡魂。

○搜鬼論

觀鬼爻發動爲實

子 作怪鼠咬屋黃昏忌火災小兒夜裡叫簷前禍

鬼催

丑 古墓西北方牛欄又接倉開土有坎穴伏屍夜

作殃

寅 蛇虎來作怪六畜血財亡人口有病患急須保

安康

卯 隔牆帶血鬼作災母病牀破傘并櫥櫃及有死

人牀

辰 鷄大竈中死。神廟不燒香。穢犯神龍位。有禍小兒郎。

巳 買得舊衣裳。亡人身上物。作怪蛇入屋。防損豕牛羊。

午 作怪鼠咬屋。不覺火燒裳。急遣白虎去。人口却安康。

未 小兒奴婢走。餓叫沸鍋湯。外來門與厨。在家作禍殃。

申 客亡鬼入屋。作怪在家堂。黃昏鷄啼叫。枯木被

風傷

酉 家有鼠咬櫃燈檠不成雙。竈有三條折。呪咀一
女娘。

戌 飛禽來入屋。遺糞污衣裳。竈破并鍋漏。神燈被
鼠傷。

亥 公婆歸塵土。從來不裝香。小兒穢觸犯。引鬼作
怪殃。

參約爻 參者二三爻是也。約者四五爻是也。之
卦卽變卦。一爻動觀變。二爻動不觀變。

互卦 卽去上爻。初爻是也。上取其三四五。下取其
二三四。不論動靜。四時之錯行。如日月之逮明。

附闡幽精要卷十三

卜筮全書卷之十四

神煞歌例

○天元祿

凡事遇之大吉。○以下皆吉神。吉則爲神。卦中見吉。

甲祿在寅。乙祿在卯。丙戊祿在巳。丁巳祿居午。庚祿居申。辛祿在酉。壬祿在亥。癸祿在子。

○驛馬

出行及占行人。俱要看之。

寅午戌馬居申。申子辰馬居寅。巳酉丑馬在亥。亥卯未馬在巳。

○天乙貴人

謂貴人吊之。

甲戌兼牛羊。乙巳鼠猴鄉。丙丁猪雞位。壬癸兔蛇藏。
庚辛逢馬虎。此是貴人方。

○福星貴人

求仕用之。

甲虎乙猪牛。丙同犬。鼠遊。丁雞戊猴走。巳羊庚馬頭。
辛蛇癸愛兔。壬日占龍樓。

○天德貴人

凡占諸事。化凶成吉。

正丁二申宮。三壬四辛同。五亥六甲上。七癸八寅逢。
九丙十歸乙。子巳丑庚中。

○月德貴人

從寅上起。丙甲壬庚逐月順行。周而復始。凡有所占。轉凶為吉。

寅午戌月丙申子辰月壬亥卯未月甲巳酉丑月庚

○月德令

從寅上起辛巳丁乙逐月順行周而復始百事遇之和合大吉

寅午戌月辛申子辰月丁亥卯未月巳巳酉丑月乙

○天福貴人

古身命遇之生福祿綿綿

甲愛金雞乙愛猴丁猪丙鼠巳寅頭戊尋玉兔庚壬馬辛癸逢蛇福自優

○天喜

百事有喜占胎尤要看看之

春戌夏丑爲天喜秋辰冬未二三指世上遇此必權忻百事得之皆有理

○天馬

凡古仕宦遇此必有陞遷之兆

寅申月在午卯酉月在申辰戌月在戌巳亥月在子
子午月在寅丑未月在辰

○唐符國印

唐符值年之星國印朝廷之印古仕宦若持身世大吉之兆

若問文官并武職唐符國印求端的寅申之年巳亥
爲巳亥之年寅申覓子午之年卯酉求卯酉之年子
午山辰戌之年丑未方丑未之年在辰戌鬼臨符印
最爲佳當作朝中資輔翼

○天醫

占病遇此爻動雖凶有救

天醫正卯二猪臨三月隨丑四未尋五蛇六兔七居亥八丑九羊十巳存十一再來尋卯上十二亥上作醫人。

○天赦

獄訟遇之大吉。

正五九月在戌方。二六十月到于羊。三七十一居龍位。四八十二在牛場。卦中臨應仍搖動獄訟勾連竟不妨。

○皇恩大赦

諸事遇之吉

正月戌兮二月丑三月虎兮四蛇走五月酉兮六卯

位七鼠八馬各看守。九亥十辰十一申。十二未上君知否。

○赦文

同前看

正戊二丑三辰昌。四未五酉六卯強。七子八午九寅位。十月已上大吉祥。十一申上十二亥。此神持世永無妨。

○十干天赦

同前

甲巳東方兔。乙庚亥上求。丙辛居酉位。丁壬未上流。戊癸蛇作伴。萬事不須憂。

○四季天赦

凡占百事凶中化吉

春戊寅夏甲午秋戊申冬甲子

○天耳天目

占尋人看之目則見面耳則有音信

春天耳巳目從亥夏天耳寅目居申秋天耳亥目從巳冬天耳申目居寅

○天福貴人

求官用之此首出天玄賦

甲丙相邀入虎鄉更逢子穴最高強戊申巳未丁宜亥乙癸逢牛福祿昌庚赴馬頭辛帶巳壬騎龍背喜非常

○天解

以下諸解神官事俱看之。

春寅夏巳秋月申。三冬值亥天解神。四生之局名爲例。憂中化喜不須嘆。

○地解

正未二申三月酉。四戌五亥六子等。七丑八寅九卯地十辰十一巳上明。十二月邊逢午位。此是卦中地解神。

○月解

月解正二起于申。三四還從酉上輪。五六之月從戌

上七八能行亥上存九十之月臨午位子丑兩月未
官尊若值此辰官事散縱然重病也離身

○日解神

甲巳逢蛇乙庚猴丙辛逢虎丁壬牛戊癸雞啼官事
散病人無藥不須憂

○內解神

甲乙蛇頭戊巳寅庚辛酉位丙丁申壬癸但從卯位
是官非消散始安寧

○外解神

正五九月居子上二六十月在巳宮三七十一辰位
是四八十二居申中

○解脫神

甲巳日亥乙庚申丙辛日丑丁壬未戊癸辰逢官訟
消病人不必生憂慮

○雷火神

占訟若與日辰相合
旺動主官事消散

正五九月火居寅二六十月亥宮存三七十一從申
位四八十二巳宮輪

○喝散神

春巳夏居申。秋猪冬到寅。官事若發動。喝散不由人。

○日喝散

甲巳逢寅乙庚申丙辛戌癸向蛇彙丁壬亥上婚姻
忌一見公私定不成。

○開獄神

獄神夏馬春兔挨秋雞冬鼠獄門開卦中若得此爻
動長久囚人放出來。

○活曜星

六甲遇動則產
疾病遇動則痊

正卯二辰三月巳四午五未六居申七酉八戌九亥

上十子一丑十二寅。

○歲前神煞

其法皆從太歲上起。假如子年就子。上是太歲。劍鋒伏尸。丑是大陽。天空。

寅是喪門。主孝服。逐一順輪。遇而復始。○以下皆凶神。凶則爲煞。

太歲劍鋒伏尸同。二曰太陽并天空。三是喪門主孝服。四爲勾絞貫索凶。五位官符兼五鬼。六曰死符小耗。七是闌干并大耗。八爲暴敗天厄中。九是飛廉同白虎。十爲福德卷舌從。十一天狗并弔客。十二病符切莫逢。

○駕後神殺

浮沉血刃。戌上起子。逆行。披頭五鬼。辰上起子。逆行。哭。午上起子。逆行。

血刃浮沉戌上遊。披頭五鬼在辰求。天哭逆數起于午。凡占切忌動當頭。

○天哭殺

占病
大忌

哭聲正五九居羊。二六十月在猴鄉。三七十一雞啼叫。四八十二大猖狂。

○天獄殺

官訟
大忌

正五九月居亥位。二六十月在申藏。三七十一飛巳上。四八十二到寅方。

○天賊

出行與求
財俱忌

正丑二子三月亥。四戌五酉六居申。七未八午九蛇
地。十辰一卯十二寅。

○四季天賊

忌同前

正辰二酉三虎鄉。四未五子六蛇藏。七犬八兔九申
位。十牛子馬丑豬忙。

○四季小殺

占病忌之

春忌羊。今夏忌龍。秋牛冬犬。哭重重。卦中值此臨身
命。任是輕災也見凶。

○日下大殺

凡事忌之

日下大殺細推詳。甲乙猪兮丙丁羊。戊巳犬見庚辛虎。壬癸蛇爲大殺方。

○天狗殺

凡事忌之。

正卯二申三丑鄉。四午五亥六辰藏。七酉八寅九未的。十鼠子巳丑犬防。

○三丘五墓

占病大忌。

春丑夏辰秋卽未。三冬逢戌是三墳。却與五墓對宮取。病人作福也難留。

○墓門殺

甲乙見金墓門開。丙丁見水哭哀哀。戊己見木須防厄。庚辛見火孝服來。壬癸見土難迴避。病人不死也傷財。

○喪車殺

喪車春雞夏鼠來。秋兔冬馬好安排。人來占病無他斷。教君作急買棺材。

○沐浴殺

沐浴殺難當。春辰夏未殃。秋戌冬丑是。殺動病人亡。

○關鎖殺

占訟忌之

春關牛與蛇。

丑關巳鎖

夏月龍猴嗟。

辰關申鎖

秋忌猪羊位。

亥關

未鎖冬犬虎交加。

戌關寅鎖

○劫殺

凡事忌之

申子辰兮蛇開口。亥卯未兮猴速走。寅午戌嫌猪面黑。巳酉丑兮虎哮吼。

○咸池殺

占婚大忌主婦人淫亂

寅午戌兔從茆裏出。巳酉丑驪馬南方走。申子辰雞叫亂人倫。亥卯未鼠子當頭忌。

○鰥寡殺

占姻事忌之

春牛不下田。夏龍飛上天。秋羊艸枯死。冬犬厭殘年。

○孤辰寡宿

婚姻犯之。主無子。

亥子丑兮忌寅戌。寅卯辰兮巳丑尋。巳午未兮申辰。忌申酉戌兮亥未臨。

○陰殺

生產忌之。

正七寅兮二八辰。三九馬頭四十申。五十一逢犬伴立。六十二月鼠爲鄰。

○提門官符

正七虎行村。二八鼠當門。三九居戌位。四十弄猿。

五十一逢騎馬走。六十二月透龍門。

○勾陳殺

從辰上起正月逆輪占病及訟大忌。

正辰二卯三月寅四丑五子六亥程七猪八酉九申位十羊子馬丑蛇行。

○白虎殺

從申順輪占病大忌。

正申二酉三戌鄉四亥五子六丑傷七寅八卯九辰上十巳一馬十二羊。

○受死

凡事忌之。

正戌二辰三亥死四巳五子六午官七丑八未九羊

是十申子卯丑酉逢。

○三刑

主六親刑
隋大凶。

寅刑巳上巳刑申。丑戌相刑未與辰。子刑卯上卯刑子。辰午酉亥自相刑。

○六害

六親相害。
百事敗壞。

六害子未不堪親。丑害午兮寅巳嗔。卯害辰兮申害亥。酉戌相逢轉見深。

○四刑

如寅世巳應
之類是也。

寅申巳亥爲四刑。所作百事無一成。婚姻官事俱不

吉。縱得相生也不寧。

○四衝

辰戌丑未爲四衝。縱然占吉也爲凶。或是相生成兄弟也。須被破事無終。

○四極

子午卯酉爲四極。凡占百事皆無益。雖然世應得相生。決定多凶主少吉。

○六衝

子午相衝。丑未相衝。寅申相衝。卯酉相衝。辰戌相衝。

巳亥相衝。

○隔神

占失物忌爻。

正七從亥二八酉。三九羊頭四十蛇。五十一月尋節上。六十二午定吁嗟。

○大耗

田蠶六畜大忌發動。

正申二酉三戌邊。四亥五子六牛聯。七寅八位九辰位。十巳子馬丑羊眠。

○小耗

遇此發動損害田禾。

正未二申三月酉。四戌五亥六子遊。七丑八寅九卯

上十辰一巳丑午流

○破碎殺

子午卯酉在蛇頭辰戌丑未屬于牛寅申巳亥雞頭
碎破耗資財件件憂

○旌旗殺

春卯夏子秋酉冬午占病遇動不期卽死

○暴敗殺

婚姻大忌男
尅婦女傷夫

猪羊犬吠春三月蛇鼠龍憂夏月當申酉丑逢秋必
敗虎馬兔兮冬季防

○六甲空亡

用爻惡空
忌爻喜空

甲子旬中戌亥空。甲戌旬中申酉空。甲申旬中午未空。甲午旬中辰巳空。甲辰旬中寅卯空。甲寅旬中子丑空。

○截路空亡

出行
大忌

甲巳申酉最爲愁。乙庚午未不須求。丙辛辰巳君休去。丁壬寅卯一場憂。戊癸子丑高堂坐。時犯空亡萬事休。

○馬前神殺

十二神各有所用。如占出行及行人。專看驛馬之類。

申子辰馬居寅

寅上起驛馬卯六害順輪爲例

寅午戌馬居中巳酉

丑馬在亥亥卯未馬在巳○一驛馬二六害三華蓋

四劫殺五災殺六天殺七地殺八年殺九月殺十亡

神十一將星十二攀鞍

○四利三元

年上起如午年卽午上起太歲掌輪爲便

一太歲二太陽三喪門四太陰五官符六死符七歲

破八龍德九白虎十福德十一弔客十二病符

○長生沐浴

長生沐浴冠帶臨官帝旺衰病死墓絕胎養

長生掌訣



假如火長生在寅，
從寅上起長生，卯
沐浴，辰冠帶，依次
順行，木長生在亥，
從亥起，餘可類推。

○三合成局

寅午戌合成火局，申子辰合成水局，巳酉丑合成金局，亥卯未合成木局。

○天干合

甲與巳合。乙與庚合。丙與辛合。丁與壬合。戊與癸合。
○地支合

子與丑合。寅與亥合。卯與戌合。辰與酉合。巳與申合。
午與未合。

卜筮全書卷之十四

終